

Эски «Акоид» китобларимизда ёзилгондурким, замона охир бўлиб, киёмат якинлашмоқда. «Яъжуж-маъжуж» деган бир жамоа махлук пайдо бўлиб халкнинг тинчлигини бузиб, дунёни хароб этишга тиришадирлар.

Орадан кўп вақт ўтмай, ҳар ерда «баркамол осойиш» бўладир. «Яъжуж-маъжуж» жамоасининг қандай махлук эканлиги тўғрисида «уламои ислом» орасида ихтилоф кўбдур. «Маҳриб уш-шариат» деган мўътабар бир китобда ўқигонимизга қарагонда, шу «яъжуж-маъжуж» тоифаси ҳақида ёзилгон баъзи сифатлар юздан шона - остдан фона уратургон «мустамлақачи» ўртоқларимизнинг шаънига тўғри келадур.

Яна ўшал китобда: «Насриддин Тантанони»дан ривоят этадурларким, замона охир бўлгонда Туркистонда, айниқса, Самарқандда «жадид» танасидан эшон ва авлиёлар чиқиб, халққа турлик қароматлар қўрсатадурлар ва шунинг билан кунда бир неча мурид овлайлар. Охирда, «жадид» исми халқ орасида кўтарилиб, унинг ўрнида «тараккийпарвар», «маорифпарвар» ҳам «ёшлар» исмлари билан «буқаламун» фикрлик зотлар пайдо бўлади.

Бу зотларнинг бир бўлаги турли чаток йўллар билан оқча тўплаб, бор-йўгини тўйга сарф қиладурлар. Маориф учун ҳеч мири бермайдур. Бир қисми «Нашри маориф» учун жаҳолатга қарши «муттаҳид фронт» очиб, қўшинсиз уруш бошлайдурлар. Янги тантаналик курук қарорлар билан машғул бўладурлар.

«Мажмуийи сафҳо» деган китобда ёзгонига кўра, охир замонда Туркистонда «махқамаи шаръия»лар очилиб, бу маҳқаманинг ишларини бир вақт қофирлик отини кўтарган жадид синфи бошқарадир. Ўлиб кетган вақфлар қайтадан тиргузиладур. Вақф оқчаси мактаб ва маориф йўлида сарф қилинадур. Бу воқеадан кўп вақт ўтмай, қоринпарвар муллалар билан тараккийпарвар жадидлар орасида вақф устида катта жанжал чиқиб, натижада барча вақфлар «наҳанг» қомига кетадур.

«Ёшлар»нинг кеча-кундуз хизматлари ошамок, «туташ»ларга ёндашмоқ ва охири йўлдан адашмоқ бўладир. Хотин-қизларнинг юз пардалари очиладур, шарм-хаёлари қочадур. Ифқатликлари сийрак қоладур.

Бухоро ўлкасида амир Олимхон хазратлари «шахид» этиладур. Унинг хар бир томчи конидан юз «жувонбоз» пайдо бўладур. Минг дохий дунёга келадур. Кечаларни базмсиз ўтказган уйларга жарима солинадур. Пора олмагон амал-дорлар юртдан бадарга килинадур. Охири, факир халкнинг хаммаси жонидан тўйиб, босмачиликка ёзилиб, далага кочиб кетадур.

Мана, сизга охири замон аломатларидан бир неча тимсол. Бу сўзларнинг барчаси юкоридаги мўътабар китоблардан накл этидди. Хар ким шак келтирса - кофир бўлгай.

«Кахат ул-укало» деган бир китобда Самарканд махкамаи шаръияси хусусида бошка хил маълумот берилган. Бунда ёзилгонига кўра, Самарканд махкамаи шаръияси халкнинг намоз ўқиши тўгрисида айруча ахамият берадур. Чунончи, хар ким ўзининг махалласидаги масжидга жамоат намозига сахван чикмай колса, уни биринчи катла олти, иккинчи катла саккиз ой камокка хукм этадур. Учинчи дафъадан уни шахардан чиқариб хайдайдур. Токи, ул бенамознинг касофатидан бир шахар хароб бўлмагай.

«Макобир ул-ағниё» деган китобда Абу Низом ал-Мағрибий ал-Мастурий ёзадиким: киёмат якинлашгонда, бойлардан хайрият, камбагаллардан куч, дехконлардан баракот кўтариладур. Жадидлар намоздан, кадимлар маорифдан, хукуматлар адолатдан кочадурлар. Маориф идораларида окча, мактабларда ўқувчи, муаллимларда таълим кочадур. Охир замон олимлари амалсиз, бойлари хамиятсиз, шоирлари шеъриятсиз, мухаррирлари саводсиз, газеталари обунасиз, матбаалари хуруфсиз, мураттиблари тартибсиз, идоралари доирасиз, табиблари дорусиз, хакимлари хикматсиз, эшонлари ишончсиз, муридлари ихлоссиз бўладурлар.

Булардан бошка: бу замоннинг хар бир жонлик ва жонсиз нарсаларига тоғ каби огир солиқдар солинадурким, натижада дўконлар ёпила-ёпила сонлари озаядур. Хайвонлар сўйила-сўйила этлари ейиладур. Камбагаллар эзила-эзила дунёга видоъ айтадурлар. Солиқлар канча кўпайса, бозор бахолари ўшанча тушиб, охири коғоз-окча билан олтун, ога-инидек бир-бирига ковушадур. Золим «Николай» замонида бўлгон арзончилик париси кайтадан дунёга келиб, халкка мухибона салом берадур. Бу рохат ва саодат даври кўб давом этмай, кетидан «дажжолли лаин» дунёга чикиб кўб ўзгаришлар ясайдур. Шунинг билан одам боласи мурод ва максадига етадур-да, сўнгра бирдан киёмат койим бўладур. Шуни хам ёзиб ўтайким, киёматдан бир кун илгари Туркистонда имло масаласи «хал» этилиб, Куръон янги имло билан ёзиладур. Солиқ ишлари шунча тараккий этадурким: камбагал ишчи-дехконлар ховузларида ваккиллайтургон курбакаларга хам солиқ тўлашга мажбур бўладурлар. Факат дарахтларга кўниб учатургон кушлар учун солиқ тўлашдан маоф этиладилар.

Бу сўзларга шак келтирган киши кофир бўлмаса ҳам, лекин «Геполув» томонидан турлик синфлар ичида ёширун суратда курилгон сонсиз ок тузокларга бир кун оёги айланиб, «борса келмас» шахарга юбориладур.

*«Зарафшон» газетаси, 1923 йил, 11 февраль*